

The Electronic Manipulus florum  
www.manipulusflorum.com

Misericordia s  
cum fonte primo

Septem in me uideo misericordias Domini quas et uos ipsi facile inuenietis in uobis. Prima est quod a multis peccatis adhuc in seculo positum custodiuit; prima quidem non inter omnes quas michi impendit, sed prima inter has septem. Quis enim non uideat quod sicut in multa cecidi, sic et in alia poteram cecidisse peccata, nisi Omnipotentis pietas conseruasset? Fateor et fatebor, nisi quia Dominus adiuuit me, paulominus cecidisset in omne peccatum anima mea.

Bernardus sermone LXXXVIII.

Septem ego in me uideo misericordias Domini, quas et uos ipsi, credo, facile inuenietis in uobis. Prima est, quod a multis peccatis adhuc in saeculo positum custodivit: prima, inquam, non inter omnes quas mihi impendit, sed prima inter has septem. Quis enim non uideat quod, sicut in multa cecidi, sic et in alia poteram cecidisse peccata, nisi Omnipotentis pietas conseruasset? Fateor et fatebor: nisi quia Dominus adiuuit me, paulo minus cecidisset in omne peccatum anima mea.

Bernardus Claraeuallensis, *Sermo de misericordiis*, 3 (SBO 6.1, J. Leclercq, C.H. Talbot, H.M. Rochais eds., p.42, ll.5-10).